



UNIVERSITÄTS-  
BIBLIOTHEK  
PADERBORN

**Semita Perfectionis Purgativa, Illuminativa, Et Unitiva**

**Dirckinck, Johann**

**Coloniae Agrippinae, 1705**

**VD18 15298639**

Praxis Examinis Particularis.

---

---

**Nutzungsbedingungen**

[urn:nbn:de:hbz:466:1-55242](#)

DIC II DIC  
P R A X I S

E X A M I N I S P A R T I C U L A R I S.

I. P Ræclarissimum ad omnia vitia debet  
landa, & virtutes assequendas, medium  
& instrumentum est Examen Particulare, à  
S. Ignatio in Libro exercitiorum nobis com-  
municatum: quo non omnia diei totius de-  
listæ, prout in examine generali solemus, ad  
trutinam revocamus; sed particulare aliquod  
vitium, aut virtutem particularem animo  
inserendam suscipimus; unóque obtento ad  
alterum progredimur, donec perfectionis  
metam contingamus.

II. Quòd si igitur ad perfectionem seriò  
aspires, à peccatis & vitiis mortificandis  
auspicare; unumque, quod maximè te in-  
festat, ac reliquorum fons est, aggredere;  
v. g. superbiam, vel iracundiam, vel gulam.  
Universum autem vitium, simul oppugnan-  
dum, vide ne sumpseris; sed per partes, sive  
gradus, sive actus, inferius designatos.

III. Manè propositum firmum concipe,  
hoc peccatum aut vitium strenuè abnegan-  
di, vel actum virtutis exercendi, & gratiam  
Dei eum in finem efflagita.

IV. Horis singulis, ad campanæ sonum;  
propositum renova, vitium detestare, aut

actum virtutis contrariæ elice, aut gratiam  
vincendi postula, aut ad Deum suspira, quò  
aspirationes, passibus singulis adjectæ, ser-  
vient.

v. Tentatione vitii exortâ, fortiter resiste,  
Dei opem implora, propositum renova;  
quòd si verò impegeris, mox peccus percu-  
te, dolorēmque elice; ac denuò fortius di-  
micare statue.

vi. Si de virtute quapiam (juxta con-  
scientiæ tuæ arbitri directionem) examen  
instituas, virtutem tibi magis necessariam,  
& aliarum scaturiginem felige; actum unum,  
post alterum, prout inferius descripti sunt,  
exercendum sume: locis singulis, ad cam-  
panæ sonum, actum internum, semel, ite-  
rūmque, ac postea paulatim sæpius elice: oc-  
casione autem sese offerente, externum quo-  
que actum adjunge. Atque hac ratione ex-  
frequentatis actibus, nascetur habitus vir-  
tutis.

vii. Binis in die vicibus, nimirum à me-  
ridie, & à cœna, in libello ad hoc speciatim  
confecto, & lineolis gradatim longitudine  
crescentibus, aut decrescentibus, numerum  
præfixum, aut omissionem actus interni, &  
datâ occasione, etiam actus externi virtutis,  
annota. Si lapsus sis, aut defeceris, dolorem  
elice, ac de novo propone; si verò viceris,  
aut profeceris, Deo gratias age; deinde diem  
cum

cum die, hebdomadem cum hebdomade,  
mensem cum mense conser, & emendationis  
rationem ini, cum novis propositis.

VIII. Quanto autem temporis spatio, aut  
vitio mortificando, aut virtuti assequendæ,  
inhættere oporteat; tum ex viti radicatione,  
cum ex fervore, mortificandique studio, alio-  
rumque mediorum sedulo usu pendebit: ju-  
dicum idem esto de virtutibus. S. Chry-  
sostomus hom. 26. ad pop. pro extirpanda  
jurandi consuetudine. unum mensem præ-  
scripsit. Et Homil. 24. in Epist. ad Hebr.  
unicuique virtuti mensem tribuendum cen-  
suit. *Hoc mense, ait, patientiam discamus;*  
*alio, aliam virtutem.* Tu fortasse, longiore,  
aut breviore intervallo temporis indigebis.  
Tunc autem examinis tui materiam mutare  
poteris, si in multis occasionibus occurrenti-  
bus, vitium constanter vincas, & vix, aut ne  
vix quidem labaris. Simili ratione procedes  
in virtutibus: si nimis, variis occasioni-  
bus oblatis, actum virtutis internè & externè  
constanter exercueris. Plura de his vide in  
Libro Exercitorum S. Ignatii, in Industriis  
P. Meyer, P. Lancicio, P. Gaudier, aliis-  
que Ascetis.

Quare utere, mi Lector, non tantum ex-  
amine particulari; verum etiam presente Li-  
bello, in aliorum præsertim librorum de-  
fectu, tanquam plurium compendio, levi-

## 14 SEMITA PERFECTIONIS.

pretio comparando ; & secundum ejus duæ  
etum, 1. peccatorum & vitiorum naturam,  
turpitudinem, damna, ac pœnas cognoscere,  
deinde illa detestari, ac denique oppugnare  
& expugnare statue. 2. Virtutum naturam,  
nobilitatem, commoda & præmia primò  
probè intelligere, deinde eas magni æstima-  
re, ac demum acquirere satage; idque opè  
examinis particularis, nec non aliorum me-  
diorum, infra adductorum. 3. Pari modo,  
Deum, ejusque attributa; Christum & ejus  
beneficia, cæteraque ad charitatem Dei &  
proximi spectantia cognoscere & obtainere,  
allabora. Hac viâ, auxilio divinæ gratiæ,  
cum Sanctis innumeris, omnis statu, &  
sexu, ad culmen perfectionis ascendes; pér-  
que scalam Jacob, id est, per gradus scalæ  
perfectionis, ad Deum ipsum, scalæ summi-  
tati innixum, eluctaberis; & cum illo, tan-  
quam fine & principio, ac tanquam summo  
bono tuo, in hac vita, unione amorosâ, licet  
imperfectâ; in altera verò unione per-  
fектâ atque beatâ felicissime  
copulaberis.



PRI-